

## (Baal) Hundert Johr Kinderheim (Waisenhaus) Köln Sölz

Em Veedel, för baal 100 Johre, do stundt e janz jroß Kinderheim.  
För manche wor't hee schläch un schrecklich, för manche ävver jot un fein.

Wann mir su aan uns Zigge denke un sinn em Jeiste uns hee stonn,  
künnte mer laache, kriesche, danze oder janz flöck stefte jonn,  
künnte mer laache, kriesche, danze oder janz flöck stef - te jonn.

Zigtausend Pänz däten hee levve, et Heim dat woodt dann demonteet.  
Die Pänz die hück em Veedel wonne, die han jet dovun profeteet.

Wann die su aan uns Zigge denke un sinn sich selver hee jetz stonn,  
künnten se laache, kriesche, danze oder janz flöck stefte jonn,  
künnten se laache, kriesche, danze oder janz flöck stef - te jonn.

Jetzt stonn em Veedel decke Steine, uns Levve es met enjraweet.  
Se solle üch dovun verzälle, wat wor, wat weed - wat es passeet!

Wann mir an all uns Zigge denke un sinn em Jeiste all hee stonn,  
künnte mer laache, kriesche, danze oder janz flöck stefte jonn,  
künnte mer laache, kriesche, danze oder janz flöck stef - te jonn.

Melodie: Willi Ostermann (Heimweh nach Köln "in köln am rhing")

Text: Monika Huth

Musikalische Begleitung: Utz Ingo Küpper